cier a la dicte ordonnance il pleust a la Cour leur permettre de faire partir leur dicte barque pour leur pesche; Veu la dicte Requeste, l'Ordonnance du sieur de Vitray Conseiller Commissaire au fait de la police du cinquiesme du present mois suiuant l'arrest du troisiesme du dit present mois, et oûy le Procureur general. La Cour sans tirer a consequence a permis et permet au dit Petit d'embarquer jusqu'a la quantité de soixante minots de sel pour faire la pesche; dessence d'en embarquer plus grande quantité et de faire partir sa barque sans soussir la visite sur les peines portées par la dite ordonnance; Enjoint au sieur Dupont Conseiller Commissaire pour la police de tenir la main a l'execution du present arrest.

Entre Jean Elle apellant de certaine sentence rendüe par le Juge preuost de Beaupré et Isle St. Laurens en datte du vingt deuxiesme Juillet dernier et receu apellant suiuant l'ordonnance du Lieutenant general en la prenosté de cette ville en datte du dernier du dit mois de Juillet estant au bas de sa requeste d'vne part, et Martin Poisson intimé d'autre; Et les parties s'estant presentées a la Cour suiuant l'arrest du troisiesme du present mois, et icelles ouves et veu les dites sentence, requeste et ordonnance, la dite sentence portant que le dit apellant est condamné payer a l'Intimé vn cochon au dire de ceux par qui il l'a fait jetter a la marée a deux liures d'amende pour la malice qu'il a eue de l'auoir porté dans son grain apres l'auoir tué deuant sa porte, et en trois liures aussy d'amende pour les irreuerences par luy portées a justice ; les dites amendes applicables a l'Eglise Si Jean Baptiste de la dite Isle Saint Laurens; Et oûy le Procureur general, tout consideré. DIT a esté par la Cour qu'il a esté bien jugé, mal et sans grief apellé, et ordonné que la sentence dont est apel sortira son plein et entier effet, et condamné l'apellant en cent sols enuers l'intimé pour ses dommages et interests, et en cent sols d'amende pour le fol apel, et aux despens 1/2.

^{*} Entre Edme Guyart demandeur d'vne part, et Jean Journet dessendeur d'autre; Partyes ouyes apres que par le demandeur a esté conclud a ce que le dessendeur sust condamné luy rendre vn billet de la somme de six